


Årsmelding 2017



Endeleg utgåve 3. april 2018



I rekneskapsdokumentet for 2017 finn ein detaljert informasjon om rekneskapsen for 2017. I årsmeldinga vert det lagt fram ein del tal og vurderingar som eit supplement til årsrekneskapsen.

I budsjettvedtaket for 2017 har kommunestyret løyvd midlar til drift av dei kommunale tenestetilboda, jf skjema 1A og 1B i rekneskapsdokumentet. Løyvingane er gitt som ei netto ramme for kvar sektor, som igjen er delt i ei rekkje tenesteområde. Dette betyr at ein leiår for eit tenesteområde kan utvida driftsomfanget, dersom utvidinga blir dekkja av auka inntekter på same område. Tala som går fram av driftsrekneskapsen på denne sida kan såleis avvika frå budsjettet, utan at budsjetttrammene av den grunn er overskridne. Det vert difor i mindre grad lagt vekt på budsjettavvik i høve til den samla driftsrekneskapsen.

Brutto driftsresultat er negativt i 2017, med ca 5,5 mill. Brutto driftsresultat er enkelt sagt driftsinntekter minus driftsutgifter, medrekna avskrivningar. Hovudårsaka til at resultatet er negativt er kostnader knytt til breibandsutbygging, der det er brukt 5,8 mill i 2017. Kostnadene er dekkja gjennom bruk av fondsmidlar, men denne bruken kjem ikkje fram i brutto eller netto driftsresultat.


Netto driftsresultat er på ca 1,1 mill. eller 0,27% av sum driftsinntekter. Korrigert for bruk og avsetjing til bundne fond, er netto driftsresultat for «rein drift» 6,5 mill eller 1,5%. Dette er eit bra resultat, men likevel litt svakare enn dei 1,7% det burde vera.

Skatteinngangen i 2017 vart nær 3 mill høgare enn budsjett, samstundes som også inntektsutjamninga vart nær 2 mill høgare, grunna betre skatteinngang enn føresett på landsplan.

Integreringstilskotet vart i 2017 om lag 2,5 mill høgare enn føresett. Dette skuldast flyktningar som kom seint i året, men likevel løyser ut fullt tilskot for 2017. Samstundes har kostnadene til flyktningar mv. auka med nær 3 mill, slik at «nettoen» her blir «negativ». Det kunne truleg vore nytta av avsette midlar til integrering for å dekkja desse meirkostnadene, men med eit rimeleg årsresultat kan det avsette fondet like

Driftsrekneskapsen	2017	B 2017	2016
Driftsinntekter			
Brukarbetalingar	(17 237)	(16 230)	(16 455)
Andre sals- og leigeinntekter	(30 645)	(28 942)	(30 086)
Overføringar med krav til motyting	(68 656)	(38 864)	(56 783)
Rammetilskot frå staten	(166 287)	(164 201)	(159 141)
Andre statlege overføringar	(15 687)	(11 715)	(14 687)
Andre overføringar	(1 297)		(53)
Skatt på inntekt og formue	(119 973)	(117 172)	(115 873)
Eigedomsskatt	(15 191)	(15 121)	(12 426)
Sum driftsinntekter	(434 973)	(392 245)	(405 504)
Driftsutgifter			
Lønsutgifter	242 259	227 495	226 719
Sosiale utgifter	63 154	64 155	60 545
Kjøp som inng. i komm. prod.	56 612	45 497	48 458
Kjøp som erstattar eigen prod.	29 865	29 097	25 727
Overføringar	34 339	18 223	22 495
Avskrivningar	15 523	15 400	14 805
Fordelte utgifter	(1 213)	(2 790)	(2 348)
Sum driftsutgifter	440 539	397 077	396 401
Brutto driftsresultat	5 566	4 832	(9 103)
Renteinntekter, utbyte mv	(5 460)	(4 948)	(5 488)
Rentekostnader og avdrag	14 239	15 563	13 755
Motpost avskrivningar	(15 523)	(15 400)	(14 805)
Netto driftsresultat	(1 178)	47	(15 641)
Netto avsetningar	(6 517)	(2 991)	2 469
Meir (mindre)forbruk	(7 695)	(2 944)	(13 172)
(tal i heile tusen)			

Netto driftsresultat




Diagrammet syner netto driftsresultat dei siste åra. Den heiltrekne lina syner resultatet om ein ser på «rein drift», dvs korrigert for bruk og avsetjing til bundne fond. Slik korrigering er berre gjort frå 2014. For tidlegare år måtte ein også ha korrigert for mva-kompensasjon frå investeringar for å få tal som kan samanliknast.

gerne bli ståande. Samla sett forklarar auka skatteinngang og rammetilskot mykje av resultatforbetringa iht budsjett.

Ser ein på «rein drift», jf diagram ovan-

for, er rådmannen nøgd med resultatet for 2017. Nøktern drift i alle ledd og god økonomistyring, mellom anna gjennom månadleg rapportering frå alle leiårar, gjer at ein har halde kostnadene rimeleg under kontroll.

Driftsinntekter 2017



Brukarbetalingar vert fullt ut generert av dei ulike tenesteområda, og omfattar først og fremst foreldrebetaling i barnehage og SFO og betaling for institusjonsopphald. Inntektene syner ein auke samanlikna med 2016. Aukem kjem først og fremst frå auka foreldrebetaling i barnehagane totalt sett.

Sals- og leigeinntekter er også inntekter som vert generert på kvart tenesteområde, til dømes vass- og avløpsgebyr, leigeinntekter kommunale bustader, gebyrinntekter innan teknisk forvaltning og andre leigeinntekter, td. i Radøyhallen. Inntektene syner svak vekst samanlikna med 2016, der det meste skriv seg frå auka gebyrinntekter innan VASF (Vatn, avløp, slam og feiing).

Overføringer med krav til motyting vert også i stor grad generert på tenestenivå. I denne posten ligg mellom anna sjukelønsrefusjon, mva-kompensasjon og refusjon ressurskrevjande tenester, i tillegg til ein del andre offentlege refusjonar, m.a. innan barnevernet. Her ser vi noko auke samanlikna med 2016, som først og fremst skriv seg frå auka tilskot til vaksenopplæring, pårekna tilskot til ressurskrevjande tenester og ekstra statleg vedlikehaldstilskot. . Sjukelønsrefusjon og foreldrepengar har auka med nær 5 mill samanlika med 2016, og utgjorde 18,8 mill. Aukem er ein konsekvens av høgt sjukefråvere gjennom året, sjå diagram for sjukefråvere nedst på side 6, med tilhøyrande kommentarar.

Rammetilskot og skatt må sjåast i samanheng. Skatteinngangen for

Radøy kommune i 2017 syner ein auke samanlikna med 2016 på om lag 3,5%, eller ca 4 mill. Budsjettert skattevekst var forsiktig sett, slik at faktisk skatteinngang vart ca 2,8 mill høgare enn budsjett. Som følgje av auka skatteinngang, vart inntektsutjamninga om lag 1,2 mill lågare enn budsjett. Netto meirinntekt på skatt og inntektsutjamning er såleis ca 1,7 mill.

Dei særskilde tilskota knytt til kommunesamanslåinga utgjør om lag 2,7 mill. I tillegg fekk vi ekstra generelt skjønstilskot på kr 160.000 i november månad.

Andre statlege overføringer gjeld m.a. integreringstilskot til flyktningar, ulike rentekompensasjonar og tilskot frå Havbruksfondet. Dette siste tilskotet er i ny ordning eigentleg frå 2016, men med faktisk verknad først frå 2017. Tilskotet er knytt til vekst i volum

i oppdrettsanlegga, og vert utrekna av Fiskeridirektoratet. Total utbetaling til norske kommunar i 2017 var 52,8 mill, av dette fekk Radøy om lag kr 302.000.

Eigedomsskatten syner ein auke på 22%, eller ca 2,7 mill samanlikna med 2015. Aukem skriv seg i all hovudsak frå 420kV-kraftlina Mongstad - Kollsnes.

Dei samla driftsinntektene i 2017 vart nær 435 mill, ein auke på 7,3% frå 2016.


Det er tilsynelatande stort avvik i **lønsutgifter** i høve til både fjoråret og budsjett. Men summen av faktisk lønskostnad og sjukelønsrefusjon er 0,32% lågare enn summen av budsjettert løn og sjukelønsrefusjon.

Lønsutgiftene syner ein vekst på 6,9% samanlikna med 2016, men korrigert for sjukelønsrefusjon er veksten 4,9%. Dette er høgare enn den generelle lønsveksten i 2017, og syner at det samla aktivitetsnivået har auka samanlikna med 2016. Dette skuldast først og fremst auka aktivitet i barnehage og heimebaserte tenester.

Diagrammet til høgre nedst på side 3 syner korleis totale driftsutgifter og driftsinntekter har variert i ulik grad dei siste åra. I 2015 var aukem i inntekter særleg stor grunna særskilt tilskot til breibandsutbygging. I 2017 får vi dette «igjen», i den forstand at utgiftene aukar mykje, medan inntektene aukar mindre.

Kjøp av varer og tenester som inngår i tenesteproduksjonen auka nær 17% samanlikna med 2016. Dette

Høvesvis endring driftsinntekter og -utgifter frå året før



skuldast fleire ulike tilhøve, m.a. auka kostnader til leige av personell, primært innan omsorg. Vidare har kostnadene til læremidlar, undervisningsutstyr, inventar og vedlikehald auka mykje. Dette er i samsvar med politiske føringar, både lokalt og nasjonalt. Av kostnadsauken er ein million knytt til avsette fondsmidlar til undervisningsmateriell i skulane. Store, føreseielege postar som straum, telefon, husleiger, datalisensar ligg svært nær 100% av budsjett. Kjøp av tenester frå private aukar noko, m.a. tilskot til familiebarnehage, private avlastingsstilbod og barnevernstiltak.


Posten **overføringar med krav til motyting** har auka med om lag 22% samanlikna med 2016. Tilskot til breibandsutbygginga utgjer 7,5 mill, og står for den klart største auken her. Sluttutbetaling av spelemidlar til Hordabø IL utgjer 1,1 mill, medan stønad til livsopphald har auka med nær 1,2 mill frå 2016.

Finanspostane er renteinntekter, utbytte, rente- og avdragskostnader. Netto finanskostnader aukar om lag 500.000 samanlikna med 2016, som følge av høgare avdragskostnad. Fylkesmannen i Hordaland rår til at avdraga skal vera 3,5% av gjelda, noko som svarar til om lag kr 9.014.000. Bokførte avdrag er kr 8.926.370, som er rimeleg nær det tilrådde nivået. Sjå også note 16 i rekneskapsdokumentet.


Rentekostnadene vart også lågare enn føresett. Rentenivået for flytande rente var i budsjettet sett til 1,85%, men vart 1,66%. Låneopptak vart gjort seinare på året med langt lågare beløp enn budsjett. Samla gav dette 1,3 mill i redusert rentekostnad i 2018 samanlikna med budsjett. Ein del av lånegjelda har fast rente. Nærare detaljar kring dette finst i rekneskapsdokumentet, note 16.

Likviditeten har vore god gjennom året. Dette gjer at renteinntektene har vorte noko høgare enn ein kunne rekna med. Radøy kommune har i 2017 fornya bankavtale med Sparebanken Vest, og alle innskotskonti har fast rentetilknytning til bankane si internrente (NIBOR). Mindreforbruk frå 2016 er i samsvar med kommunestyret sitt vedtak sett

Netto lånegjeld pr innbyggjar



Netto lånegjeld i % av brutto driftsinntekter



Netto lånegjeld pr innbyggjar har auka også i 2017, men nivået er ikkje urovekkjande høgt, og syner lågare vekst enn kommunegruppa.. Netto lånegjeld i høve til brutto driftsinntekter har auka svakt frå

2015. Samla sett gir dette eit inntrykk av eit akseptabelt gjeldsnivå, sjølv om auka gjeld fører til auka avdragsbelastning og gjer økonomien meir sårbar ved renteauke.


av til disposisjonsfond. Pr 31.12.2017 er **disposisjonsfondet** fordelt slik:

Nærings- og infrastruktur	2 783 401
Fritids- og avlastingsstilbod	219 300
Ungdomskommune	64 149
Nynorskpris	60 712
Omstilling ny kommune	4 000 000
Integrering flyktningar	2 400 000
Fritt disposisjonsfond	3 780 100
SUM	16 307 663

Kommunestyret har ikkje gjort noko vedtak om disponering av mindreforbruk som skriv seg frå 2017, og mindreforbruket i 2017 er difor udisponert i balansen pr 31.12.2017. Som det går fram av rekneskapsdokumentet note 6, del 3, er kr 1.560.000 av bokførte bunde fond knytt til breibandsutbygging i realiteten ubundne fond.

Netto driftsutgifter på tenesteområda

Diagrammet syner kvart tenesteområde sin prosentvise del av kommunen sine totale netto driftsutgifter



Av skjema 1B i rekneskapsdokumentet går det fram at Stab og politisk har lågare forbruk enn budsjett. Dette skuldast i hovudsak at nokre kostnader, m.a. periodiserte lønskostnader, er fordelt på alle einingar, der det tidlegare vart ført på sentral fellesteneste.


Oppvekst har noko mindreforbruk, som i stor grad skuldast statleg tilskot til opplæring i norsk og samfunnskunnskap, der vi fekk store overføringar i starten av året.

Helse og omsorg har noko meirforbruk, som primært skuldast auka utbetalingar til sosialhjelp, i tillegg til auka press ved nokre tenestestader innan OMSUT.

Også drift og forvaltning har noko meirforbruk, knytt til sjølvkostområda, vegvedlikehald, reinhald og brannvern.

Diagrammet ovanfor syner fordelinga av driftsutgifter på ulike tenester i Radøy, Lindås og Meland, samanlikna med kommunegruppe 10.

Sjukefråvære



Diagrammet til venstre syner utviklinga av sjukefråværet frå 2013 til 2017, fordelt kvartalsvis, og som ein samla årsverdi (heiltrekt line). Sjukefråværet i 2017 har gått opp i alle kvartal samanlina med 2016, og det samla fråværet i 2017 er det høgaste kommunen har hatt dei siste ti åra.

Balanse	2017	2016
Eigendelar		
<i>Anleggsmidler</i>		
Pensjonsmidlar	454 834	416 343
Aksjar og andelar	101 132	99 887
Utlån	21 475	24 375
Utstyr, maskiner og transportmidlar.	15 558	16 787
Faste eigedomar og anlegg	370 613	367 938
Sum anleggsmidler	963 612	925 330
<i>Omløpsmidlar</i>		
Kasse og bank	78 844	70 162
Kortsiktige fordringar	33 338	33 145
Premieavvik	23 309	23 679
Sum omløpsmidlar	135 491	126 986
Sum eigendelar	1 099 103	1 052 316
Gjeld og eigenkapital		
<i>Eigenkapital</i>		
Bundne driftsfond	(15 094)	(20 440)
Ubundne investeringsfond	(5 095)	(5 095)
Bundne investeringsfond	(4 070)	(4 286)
Disposisjonsfond	(16 308)	(4 304)
Endring i rekneskapsprinsipp	527	527
Rekneskapsm. meirforbruk		-
Rekneskapsm. mindreforbruk	(7 695)	(13 173)
Udekkja i investeringsrekneskapen		-
Kapitalkonto	(145 330)	(144 527)
Sum eigenkapital	(193 065)	(191 298)
<i>Gjeld</i>		
Pensjonsforplikting	(554 465)	(524 200)
Andre lån	(281 059)	(273 178)
Kortsiktig gjeld	(70 104)	(63 180)
Premieavvik	(410)	(459)
Sum gjeld	(906 038)	(861 017)
Sum gjeld og eigenkapital	(1 099 103)	(1 052 315)
Unyttta lånemidlar	17 238	16 573

Balansen til venstre er ei oppstilling over kommunen sine eigendelar, gjeld og eigenkapital pr 31.12.2017, og tilsvarende tal pr 31.12.2016. Alle tal i denne oppstillinga er i heile tusen.

Sum eigendelar har auka med om lag 50 mill frå 2016 til 2017. Den største auken skriv seg frå pensjonsmidlane, som har auka med nær 38 mill. Dette er midlar som ligg i KLP og SPK. Bankinnskot og kortsiktige fordringar har auka, medan premieavviket har gått litt ned.

Omløpsmidlane, dvs. bankinnskot og kortsiktige fordringar har auka knapt 9 mill.


Bundne driftsfond er noko redusert, grunna bruk av avsette midlar til breibandsutbygging i 2017.

Pensjonsforpliktinga har auka med ca 30 mill. samanlikna med 2016. Pensjonsforpliktinga er den samla forpliktinga vi har til å betala pensjon til tidlegare og noverande tilsette i Radøy kommune. Talet vert rekna ut av aktuarar i KLP og SPK. Note 2 i rekneskapen gir detaljert oversyn over pensjonskostnader m.v.

Andre lån er lån i Kommunalbanken, KLP Kommunekreditt og Husbanken. Desse har auka med om lag 8 mill frå 2015. Av lånegjelda er om lag 81,8 mill lån med fast rente i 1-3 år. Nærare informasjon om dette går fram av note 16 i rekneskapsdokumentet. Den kortsiktige gjelda har auka med om lag 8 mill samanlikna med 2016, og består av gjeld til leverandørar og andre kommunar, skuldig skattetrekk, feriepengar og arbeidsgjevaravgift og påkomne kostnader som gjeld 2017, men som først vert betalt i 2018. Auken i kortsiktig gjeld er lågare enn auke i kortsiktige fordringar, noko som indikerer betra likviditet.

I rekneskapsdokumentet for 2017 finst det meir detaljert informasjon om balansen.

Arbeidskapital



Diagrammet til venstre syner utviklinga i arbeidskapitalen. Arbeidskapitalen syner kommunen sine omløpsmidlar fråtrekt kortsiktig gjeld. Dette gir eit uttrykk for kommunen sin likviditets-situasjon.

Ein del av den kortsiktige gjelda er premieavvik, som kan svinga mykje, og blir handtert ulikt i ulike kommunar. Ved å korrigera for premieavviket, får ein eit betre samanlikningsgrunnlag. Radøy sin arbeidskapital syner god utvikling dei siste åra.

I 2017 har det vore eit stort fokus på læringsmiljø og mobbing i skulen i Radøy. Skulane har målretta arbeid for å skape gode læringsmiljø og vi ser allereie resultat av arbeidet. Eit trygt og inkluderande læringsmiljø er ein viktig grunnstein i læringsarbeidet. Ein elev som vert mobba er ein for mykje. Vidare er det viktig at ein ser på tendensane i elevundersøkinga. Det positive er at elevane opplever at lærarane støttar i læringsarbeidet. Det er likevel ein tendens at dei opplever ein svakare motivasjon og læringskultur på ungdomstrinnet enn elevane i resten av landet. Det som er særskjelt er at dei fleste rapporterer om trivsel og lite mobbing i skulane. På barnetrinnet er dei fleste indikatorane på elevundersøkinga positive og betre enn landssnittet. I barnehagane har fokuset på «De utrolige årene» vore ein del av satsinga på gode og trygge oppvekstvilkår for alle. Barnehagane si satsing på dette arbeidet er med å sikre inkludering, trivsel og å høyre til.

Læringsarbeidet vert viktig vidare i satsinga på felles kompetanseheving for lærarane i barnehagane og skulane. I barnehagen er språkutvikling eit prioritert område og på skulen er satsinga på lesing. At alle pedagogane tek det viktige ansvaret dei har på dette feltet vert viktig vidare.

Utbygging av barnehagen på Bø og oppgradering av Solhall er prosjekt som har vore viktige å få gode planar for. Prosessane for at Solhall skal verte ferdig til årsskiftet 18/19 går sin gang og er viktig for at flytting av borna på Bø

barnehage skal kunne setjast i verk etter planen frå januar 2019.

Etablering av gode løysingar for småbarnsavdelinga på Austebygd går etter planen. Ved årsskiftet var dette arbeidet framleis på skissestadiet.

Manger skule sitt behov for meir plass har vorte kartlagt i løpet av hausten 17. Det vert arbeidd for å ha klar ei midlertidig paviljongløyseing frå hausten 2018 med 3 klasserom. Det vert våren 2018 sett i verk kartlegging av framtidig behov og mogelege løysingar som er framtidsretta for skulen. Det er gjort mykje positivt arbeid innan oppvekst i 2017. Kulturskulen leverer gode tenester og heldt fram med det driftsnivået som har vore i 2016. Ungdomskoordinator har tiltak som ungdomane trivast med som engasjerer og inkluderer. Ungdomsarbeidet med ungdomsrådet i spissen vert sett til av andre kommunar som eit godt døme for korleis ein kan lukkast i dette arbeidet.

PPT arbeider systematisk for å støtte barn, elevar, føresette, barnehagar og skular i å legge opp eit målretta opplæringstilbod til alle barn i kommunen. PPT arbeider både på gruppe og individnivå. Det er eit mål at så mange som mogeleg skal få opplæringa innanfor det ordinære opplæringstilbodet.

Kommunestyret sitt vedtak	Status
Oppvekstsektoren Radøy kommune fortset det sterke fokuset på tidleg innsats i heile skuleløpet, der elevane meistarar og følgjer fagprogresjon og når høgt læringsutbytte i tråd med La Linea o.a. tiltak. Tidleg innsats og vidareføring av program for å hindra mobbing og sosial utestenging innan oppvekstområdet er viktig for skuleeigar. Radøy skal minst følgja nasjonale mål for symjeundervising, - alle born i ein kystkommune som vår skal lære seg å symja.	Fokuset på tidleg innsats er viktig. Skular og barnehagar må tidleg setje inn tiltak for elevar med sein progresjon. Dette vert tatt høgde for i kommunen sine nye planar for barnehage og skulen. Der er plukka ut tre område; språk/lesing, læringsmiljø og innføring av ny læreplan som prioriterte satsingar. Som ein del av arbeidet med å skape robust ungdom som inkluderer alle, har ungdomsskulen tegna avtale med MOT. Sømjedugleik er eit fokusområde som vert prioritert på alle skular.
DUÅ skal søkjast fullt implementert i alle barnehagane. Innan skulen ønskjer kommunestyret snarast ein status og tilråding på følgjande: tiltak for elevar med dysleksi, Fysisk aktivitet à la Sogndal (Resaland), behov for evt sosiallærar i barnehage og barneskule, utesituasjonen i skulen, samarbeidet heim-skule.	Innføringa av DUÅ går etter planen og alle barnehagane er i gang. Skulane har ulike tiltak for elevar med dysleksi, viser til gjennomgang i kommunestyret. I planverket er det sett av 1 time fysisk aktivitet for alle elevar. Dette er noko skulane arbeider aktivt med å ivareta. Kommunen deltek i «Inkluderande skule og barnehage» programmet til Utdanningsdirektoratet. I denne samanheng ser ein på styrking av «sosiallærar i barnehagar og skular. Utbetring av uteområdet på Sæbø og Hordabø skule er under arbeid og det ser ut som det kan ferdigstillast til skulestart 18. Plan for skule – heim samarbeid er laga, og legg kommunale føringar for alle skulane i dette arbeidet.

Kommunestyret sitt vedtak	Status
Kommunestyret ber også om status og behov for evt. auka kjøp av lærebøker, og vil vurdere løyving i samband med disponering av årsresultat for 2016.	Skulane har disponert tildelte midlar etter trong. Vidare vil innkjøp av lærebøker setjast på vent til nye fagplanar er på plass i 2020, slik at oppdaterte læremidlar vert tema etter dette.
Med tilvising til gjennomgang av tilstandsrapport for Radøyskulane haust 2016, ber kommunestyret om tiltakspakke for auka etter- og vidareutdanning (primært kurs), og korleis dette skal prioriterast. Prioriteringane skal m.a. innehalda skuleeigar sitt arbeid for nulltoleranse mot mobbing der dette er eit tema, og for å sikra tidleg meistring og høgt læringsutbyte hjå elevane.	For inneverande skuleår har kommunen fem lærarar på vidareutdanning. Dette er ein del av Utdanningsdirektoratet si satsing «Saman for kvalitet». Målet er at vidaredanninga skal bidra til god fagleg og pedagogisk kvalitet i grunnopplæringa for å styrkje elevane si læring. For det neste skuleåret er like mange innstilt til vidareutdanning. Dette er eit positivt tiltak for kvaliteten i skulen.
Kommunestyret viser til innspel frå Utdanningsforbundet om bemanningssituasjonen i barnehagane, og har som mål å auka grunnbemanninga med 2,7 årsverk (fagarbeidarar/assistentar). Dette arbeidet startar i 2017, og rådmannen gjer tiltak innan budsjetttramma dette året	Barnehagane fekk styrking av personalsituasjonen frå hausten 2017 slik at behovet vart stetta etter intensjonen.
Kommunestyret ber rådmannen innan 1. april leggja fram kost/nytte/konsekvensvurdering for formannskapet om evt. utvida skuleskyss i vinterhalvåret	Viser til orienteringssak i formannskapet. Det er 70 elevar i denne kategorien • Heilårsskyss = 7000 kr pr elev. Totalt ca 490 000 kr i ekstrakostnad • Vinterskyss = 3500 kr pr elev. Totalt ca 245 000 kr i ekstrakostnad
Kommunestyret ber rådmannen om ei kost/nytte/konsekvensvurdering for formannskapet av evt. utvida opningstid på SFO (start kl 0700), og søskenmoderasjon på SFO	Kvar skule kan etter vedtektene for SFO endre opningstida for SFO. Skulane kartlegg behovet blant sine føresette. Utvida opningstid vil føre til ekstra kostnader til løn/bemanning som evt må dekkast inn gjennom auka foreldrebetaling. Det er allereie søskenmoderasjon dersom ein har fleire born på SFO

Kommunestyret sitt vedtak	Status
Helse- og omsorgssektoren Kommunestyret helsar velkomen rådmannen sitt arbeid med ein overordna Kommunedelplan for Helse og omsorg. Arbeidet skal startast opp snarast i 2017. I dette arbeidet skal ein gjera analysar av framtidig tenestebehov på kort og lang sikt. Ein vil utarbeida ei omsorgstrapp som synleg-gjer dei ulike tenestenivåa i kommunen, slik at den einskil-de får rett teneste til rett tid.	
Under planarbeidet skal det: • Undersøkjast ut om Radøy, Lindås og Meland kommu-nar kan etablere eit nærjordmorsenter i Knarvik - helst i løpet av 2017 • Gjerast ei utgreiing kring dagtilbod til heimebuande eldre og menneske med utfordringar innan psykisk helse og rus. • Vurderast eit samarbeid med Lindås og Meland om samlivsterapi/familieterapi. • Vera fokus på frivillig arbeid (Frivilligsentralen) opp mot born- og unge med særskilte behov, samt flykt-ningar, personar med psykiske lidningar og rusmiddel-avhengigheit. • Utgreiast bustadbehov for eldre og personar med særskilte behov. • Utgreiing av avlastingstilbodet for barn med særskilte behov	Planarbeidet har teke opp dei punkt det er bedt om og det kjem til uttrykk i kommunedelplanen for helse, sosial og omsorg som vert handsama i 1 halvår 2018. Det vil bli lagt fram ei eigen bustadsosial handlingsplan i første halvår 2018.
Styrking av tilboda innan psykisk helse og rus	Psykisk Helse og rus vart i 2017 styrka med ein 2-årig prosjektstilling som 100% ruskoordinator. Denne er delvis finansiert av gjennom statleg tilskotsordning. I 2015 vart det tilsett i prosjektstilling, kommunepsyko-log for barn og unge, også på direktoratmidlar. Dette i ei ordning vi søker kvart år, over ein 5 årsperiode. Stillinga vart gjort fast i 2016. Ein tilsett held på å fullføre utdanning i kognitiv terapi, delfinansiert av kommunen. Det er 6 tilsette i tenesta, alle med 3-årig høgskuleutdan-ning og relevant vidareutdanning. I tillegg har vi tilsett merkantil i 25%. 10 månader etter oppstart med prosjektstilling ruskoordi-nator, viser at behovet for tenesta er stort og større enn vi klarar å dekke. Ved 1 årsevaluering for prosjektstillinga, må tenesta vurdere korleis ein skal møte behova og korleis ein best mogleg skal utnytte ressursen frametter. Det er behov for tett oppfølging i bustad, behov for hjelp til å følgje ulike behandlingsløp, motivasjons -og relasjons-arbeid, omsorg, samtaler med pårørande, oppretting av ansvarsgrupper/ individuellplan.
Betre avlastings- og aktivitetstilbod for born/ungdom med særskilde behov	
God dialog med Frivilligsentralen om korleis rekruttera fri-villige til arbeid for flyktningar og menneske med særskilde behov	Det har vore dialog med Frivilligsentralen om fokus på nye målgrupper, som vert følgt opp i 2018.

Kommunestyret sitt vedtak	Status
Kommunestyret ber om at sommartilbodet til barn og unge med særskilte behov vert vidareført og vidareutvikla. Det same gjeld tilbodet i andre deler av året når elevane har fri frå skulen.	Kulturkontoret har dei to siste åra hatt eit sommartilbod for born frå 4. klasse til dei som skal ta til i 7. klasse. Omlag 10 aktivitetsdagar pluss nokre familiearrangement. Tilbodet er finansiert frå Buf dir og har retta seg spesielt mot born som er råka av barnefattigdom. Ungdomskoordinator: Radøy ungdomsklubb og ungdomskoordinatoren arrangerer aktivitetar for ungdom mellom 12 år (7.klasse) og 19 år gjennom sommarferien. Ungdommen er sjølv med å planlegge og gjennomføre aktivitetar. Det er varierte aktivitetar som skal passe alle uansett interesse og behov. Samarbeid med andre lag og organisasjonar på nokre arrangement. Sommarcampen har fokus på inkludering, samhald, uorganiserte ungdom, rusfrie tiltak, integrering og ungdom med spesielle behov. Over 200 ungdommar frå Radøy og andre kommunar har deltatt på sommarcampen. Ungdomsklubben har dei tre siste åra fått midlar frå Sparebanken Vest (1 år) og barnefattigdomsmidlar (2 år). Ungdomskoordinatoren arrangerer tilbod i skuleferiar for born og ungdom, bl. filmkveld og tur 2-3 gonger i veka (haust/ vinterferie) vert det arrangert open hall i Radøyhallen med ei rekkje ulike aktivitetar. Dette er eit gratis tilbod for alle. Ca 300-500 er innom i ferien.
Kommunestyret ønskjer ei snarleg orientering om status/ tiltak i samband med nasjonalt vedtak om innføring av aktivitetsplikt for sosialhjelpsmottakarar under 30 år frå 1.1.2017.	Vi kjøper plass på Aktiviten i Knarvik for våre brukarar under 30 år som har sosialhjelp som hovudinntekt. Vi har mellom ein og tre brukarar inne i dette tiltaket. Der har vi samtalar med brukarane, hjelper dei med praktiske ting slik som jobbsøking, CV og råd og rettleiing om utdanning og andre moglegheiter dei har. Vi har også fått avklart at ein del av brukarane har større og meir komplekse problem.
Kommunestyret ønskjer status på busetting av flyktningar med innvilga opphald, prognose og lokal behovsvurdering i løpet av 1. halvår.	Radøy kommune har pr i dag 31 personar som deltek i introduksjonsprogrammet. I tillegg har vi tre deltakarar i fødselspermisjon, og to som venter på plass. Radøy kommune har sagt at vi tek i mot ti flyktningar i 2018, vi har endå ikkje fått melding om når på året desse flyktningane kjem til Radøy. Dette talet kan bli noko større viss nokon får familiegjenforening, dette er forhold som ligg utanfor vår kontrollsfære, og vi kan ikkje seie nei til desse.
Radøy kommune skal styrkja og vidareutvikla samarbeidet med Eldrerådet, Råd for menneske med nedsett funksjonsevne og pårørande.	Det er godt samarbeid mellom råda og administrasjonen i kommunen. Råda er ein aktiv høringspart og innspela deira vert tatt med i vidare arbeid i administrasjonen. Det var samarbeidsmøte mellom formannskapet og representantar frå råda i budsjettarbeidet og våren 2017 om generelle problemstillingar På møta i råda vert det orientert om planar og råda er høringspartar og kjem med innspel som vert tatt med i vidare arbeid Plan vidare er at det vert samarbeidsmøte i samband med budsjettarbeid og at ein held fram den gode dialogen mellom administrasjon og råda..

Tilsyn og oppfølging av ulovlege tiltak etter pbl. har vore eit av de viktigaste satsingsområda for **Teknisk forvaltning** i 2017. Det er politisk vedteke ein strategi for tilsyn og oppfølging av ulovlege tiltak, og det er tilsett ein seniorrådgjevar til aktivt å følgje opp tilsynsstrategien. Det har også vore stor aktivitet både på private og kommunale planar, og TFO har hatt høgt arbeidspress på arealplansida. Stor aktivitet på kommunale arealplanar gjenspeglar seg også på inntektssida, og forklarar kvifor det er rekneskapsført mindre inntekter enn budsjettert i 2017. Både byggesak og oppmåling leverer som vanleg effektive og gode tenester innanfor fristane gitt i lovverket.

Vegvedlikehald og asfaltering har vore store oppgåver for Teknisk drift i 2017. Eit vesentleg løft på asfaltering i Radøy i 2017 medførte mykje førbuing for Teknisk drift, både med grøfterensk og anna arbeid på veg. Det også vegvedlikehald på vinterstid som forklarar ein vesentleg del av meirforbruket på Teknisk drift i 2017. VA vart styrka med eit nytt årsverk i 2017. Omlegginga til reinhald på dagtid og overføring av nye oppgåver for reinhaldstenesta bi-

drar også til å forklare meirforbruk for Teknisk drift. Omlegginga har likevel vore viktig, både med omsyn til kvalitet og arbeidsmiljø for dei tilsette.

Brannvernet leverer gode og viktige tenester, men har på same måte som svært mange andre brannvern, eit etterslep på formelle krav til kompetanse. Utfordringa er at det vert gjennomført få lokale kurs, men i 2017 har 4 brannmannskap deltatt i grunnkurs for deltidspersonell, 2 stk deltatt i beredskapsutdanning trinn 1 og 2 stk har deltatt i grunnkurs i skogbrannsløkking. Arbeidstilsynet har gjennomført eit landsomfattande tilsyn med kommunane, der tema har vore førebyggjande arbeid for å unngå og redusere helseskade blant tilsette i brannvernet. Dette har vore eit viktig tilsyn som har hatt god effekt både på haldningar og kunnskap om helseskadar blant brannmannskap og leiling. Radøy kommune tek utfordringa på alvor, og planlegg å bygge ny brannstasjon i 2019.

I 2017 har **løn og rekneskapskontoret** hatt full fokus på å førebu samanslåing av løn- og rekneskapskontor for

Lindås, Meland og Radøy, som har oppstart 01.08.18. Det har samstundes vore gjennomført eit omfattande arbeid i det såkalla «malsamarbeidet» mellom alle kommunane i Nordhordland, der målet m.a. er å etablere felles mal for rekneskapsføringa for alle kommunane.

Det har ikkje vore større endringer i drifta av **Frivilligsentralen** i 2017. Frivilligsentralen har også i 2017 hatt fokus på middagskøyring, hjelp og sosiale tiltak for den eldre garde i kommunen. Om lag 21 frivillige sjåførar har gjort ein formidabel innsats og kjørt ut om lag 13-14 000 middagar i løpet av året.

Det har vore stor aktivitet for **Kultur og sørvistorget** i 2017, der gjennomføring av Stortingsvalet var eit av dei største og viktigaste fokusområda. KST har også hatt ei viktig rolle i gjennomføringa av Nynorskdagane, der kommunen fekk ros frå direktøren i Språkrådet Åse Wetas for å feira nynorsken. Strandryddedagen i mai, ferieaktivitetar for om lag 80 barn i 4.-7. klasse i løpet av sommaren, gjennomføring av «På tur i Radøy» for tredje gong på rad og merking av nye turstiar har også vore viktige arrangement. Og ikkje minst har avlevering av arkiv for perioden 1965-1990 vore ei stor oppgåve for KST.

Folkebiblioteka har fått eit stadig meir omfattande samfunnsoppdrag. Biblioteket skal ikkje berre vere ein plass der ein kan låne bøker, men også vere ein sosial møteplass og arena for offentlig meningsutveksling. **Biblioteket i Radøy** tek samfunnsoppdraget på alvor, og 2017 har vore eit svært aktivt år med mange arrangement, både teaterforestillingar, debattar, forfattarbesøk, verkstad og utstillingar. Biblioteket sine lokale er ikkje tilrettelagt for større arrangement, og det har vore arbeid med ulike alternativ for evt flytting av biblioteket. Det er mellom anna gjennomført ein mulegheitsanalyse for rådhuset, der biblioteket er peika på som ei aktuell teneste i eit framtidig kulturhus, men det er førebels ikkje avklara om dette blir aktuelt.



Ny gravemaskin til teknisk drift har letta kvardagen.

Kommunestyret sitt vedtak	Status
Drift- og forvaltningssektoren	
Kommunestyret ønskjer snarast råd ei sak på tiltak og prioriteringar for å redusera ulovlege tiltak etter plan- og bygningslova (jfr debatt i hovudutvalet oktober 2016).	Strategi for tilsyn og oppfølging av ulovlege tiltak er handsama av kommunestyret og vedtatt i sak 013/2017. Ny seniorrådgjevar for tilsyn starta 01.11.17.
Kommunestyret støttar rådmannen si prioritering av ressursauke på plansida, slik at me er sikra god framdrift på planstrategien, og me understrekar prioriteringa av kommuneplanarbeidet.	Ny byggjesakshandsamar starta 01.04.17, og det vart då frigjort ca 40 % stilling til arbeid med arealplan. Det vart lyst ut prosjektstilling for arealplanarbeid som alternativ til kjøp av bistand frå konsulentbyrå på kommunale planar, men det vart ikkje tilsett.
Rådmannen må særleg halda eit aktivt fokus på • Masterplan for Manger, inklusive framtidig barnehageløysing • Planar for fylkesvegar (i etterkant av drøftingssak i formannskap/kommunestyre) • Plan for næringsområde ved den nye vegen nord for Marås	Det ligg føre ein mulegheitsstudie for rådhuset og Prestegarden som innspel til kva tenester som kan plasserast i desse bygga. Kommunen overtok Solhall (gamle DPS-bygget) frå 21.2.2018. I 2017 var det engasjert arkitekt for å komme med framlegg til korleis bygget kan utviklast, for å legge til rette for barnehagedrift. I 2017 var SWECO engasjert for å vurdere oppgraderingsbehov og kostnad knytt til oppgradering av brannstasjonen ihht lov og forskriftskrav. Konklusjonen var at det bør byggast nytt, og flytting av brannstasjon kan frigjere plass til andre tenester. Punkt om næringsområde ved nye vegen nord for Marås har ikkje vore prioritert, jf. avklaring i formannskapet
Kommunestyret støttar arbeidet med gjennomgangen på organisering, leing og ressursbruk på vaktmeisterteneste/tekniske tenester, og helsar velkomen ei orientering om dette.	Det vart gitt kort orientering om oppstart av organisasjonsutviklingsprosjekt til formannskapet.
Kommunestyret støttar rådmannen sitt planarbeid for orden, vedlikehald og oppgradering av uteområda. Kommunestyret ber om at også uteområda (aktivitetsområda) ved skular og barnehagar, og sentrale område på Manger (inklusive det samanhengane området frå Velferdssenteret til Nesvatnet) vert med i dette arbeidet.	Det vart gjennomført ein mulegheitsstudie for Prestegarden/rådhuset med uteområde, samt for uteområdet ved Sæbø skule i 2017. Mulegheitsstudien dannar grunnlag for budsjettering og gjennomføring av tiltak i 2018.
Kommunestyret støttar rådmannen sitt arbeid med plan for sommarvedlikehald av kommunale vegar, og ser fram til sak på dette før 1. april.	Plan for sommarvedlikehald av veg vart lagt fram for formannskapet 16.03.17, saman med prioriteringsliste for asfaltering. Det vart utført omfattande asfaltering, grøfterensk og kantklypp på dei kommunale vegane i 2017.
Kommunestyret ber rådmannen fortsetja aktiv oppfølging av TS-planen.	Då fleire tiltak i handlingsplanen er følgt opp eller av ulike årsaker ikkje er aktuelle på noverande tidspunkt, er der behov for å rullere handlingsplanen i TS-planen i 2018
Kommunestyret ønskjer ei enkel utgreiing av evt Fairtrade-prosjekt i Radøy kommune.	Det er gjort ei enkel undersøking blant leiarane i kommunen ang. bruk av Fairtradeprodukt. Tilbakemeldinga er at det er få Fairtrade-produkt å velje mellom. Gjennom innkjøpssamarbeidet med Bergen, får vi også del i Bergen kommune sin «grøne profil». med mange «bærekraftsparametar» i anbodsrundane. Til dømes skal alle ledd i leverandørkjeda kunna dokumentera miljøkrav, arbeidsvilkår med vidare.

Spesifisert investeringsrekneskap går fram av rekneskapsdokumentet for 2018. Oppstillinga til høgre syner hovudtal i heile tusen for investeringane.

Samla investeringsutgifter vart 24,7 mill mot budsjett 39,9 mill i regulert budsjett. Opprinneleg budsjett var 80,9 mill. Dei ulike prosjekta er kommenterte i teksten nedanfor.

Det vart søkt om lån 80,9 mill i Kommunalbanken, med fleksibelt tidspunkt for utbetaling. Fleire av prosjekta vart utsette, og det vart i 2017 berre lånt opp 20 mill. Resterande lån bli betalt ut i 2018.

Kommentarar til dei ulike prosjekta, sjå rekneskapsdokumentet for spesifikasjon av alle prosjekt.

Prosjekt 1530100 **Radøyhallen oppgradering 2017**: Rekkverket på tribunen er sikra, det er etablert trappe som sikrar tilgang til ventilasjonsanlegget på loftet, og dei fem dusjromma er oppgradert med «dusjbåsar» innafor budsjetttramma på kr 1 150 000. Kommunestyret løyvde ytterlegare 1 000 000 kr til oppgradering av garderobane. Arbeidet vart bestilt og starta opp, men ikkje ferdigstilt innan utgangen av 2017. Det er i 2017 bokført kr 1 786 673 på dette prosjektet.

Prosjekt 213005 **Oppgradering av gardarbar ved Manger skule** er ferdigstilt med ein total kostnad på kr 4 551 736, noko over budsjettet på kr 4 400 000.

Planlegginga av prosjekt 2711002 **Austabygd barnehage småbarnsavdeling** vart framskunda og starta opp i slutten av 2017. Bokført kostnad på kr 76 000 er knytt til arkitektkostnad for skisseprosjekt for ny småbarnsavdeling, som ikkje var budsjett i 2017.

Det var sett av kr 1 000 000 til flytting av **biblioteket** i 2018. Dette prosjektet vart sett på vent i samband med at det vart gjennomført ein mogelegheitsstudie for rådhuset, der biblioteket var ei av tenestene som ein vurderte som aktuell i eit evt. kulturhus.

Prosjekt 2712006 **Ny Bø barnehage** er kostnadsført med kr 737 945, innanfor ramma på kr. 1 100 000 i regulert bud-

Investeringsrekneskapen	2017	B 2017	2016
Sal av driftsmidlar og fast eigedom	(18)		-
Andre salsinntekter	(48)		(49)
Overføringar med krav til motyting	(3 269)	(2 500)	(753)
Kompensasjon for mva	(3 322)	(9 370)	(2 846)
Andre overføringar			
Utbytte, eigaruttak			
Sum investeringsinntekter	(6 657)	(11 870)	(3 648)
Lønsutgifter			
Sosiale utgifter			
Kjøp som inng. i komm. prod.	21 089	39 550	13 995
Kjøp som erstattar eigen prod.			
Overføringar	3 672	350	8 622
Renteutgifter m.v.			
Sum utgifter	24 761	39 900	22 617
Avdragsutgifter	3 147	3 162	6 295
Utlån, kjøp av aksjar mv	1 325	1 221	2 353
Dekking av udekk frå tidl år	1 245		
Fondsavsetningar			2 227
Sum finansransaksjonar	5 717	4 383	10 875
Sum trong for finansiering	23 821	32 413	29 844
Bruk av lån	(19 334)	(29 251)	(23 156)
Mottekne avdrag	(4 272)	(3 162)	(6 688)
Overført frå driftsrekneskap			
Bruk av fond	(216)		
Sum finansiering	(23 822)	(32 413)	(29 844)
Udekk i investering			-
(tal i heile tusen)			

sjett. Forum Arkitekter har utarbeidd anbudsdokument for den nye barnehagen, og arbeid med reguleringsplan for området pågår i desse dagar. Byggestart vert først i 2019, fordi bygginga krev regulering av området.

Omsorgsteknologi vart budsjett med kr 500.000,-men gjennom arbeid i året ser ein at omsorgsteknologi i hovudsak vil føra til driftskostnader, og i liten grad investeringar.

I prosjekt 3210100 **Velferdssenteret oppgraderingar** er det etablert solskjerming, skifta vindauge, sett opp nytt gjerde og etablert toalett på møterom på «loftet». Arbeidet har ein bokført kostnad på kr. 719 071, og er innanfor budsjetttramma på kr 1 000 000.

Prosjekt 4800103 **Turveg/lysløype Manger**: Anbudsprosessen for turløypa trinn II vart av ulike årsaker forseinka, og etablering vil først skje i 2018, medan mindre prosjekt vart gjennomført med bokført kostnad på kr 246 444. Gapahuk ved Nesvatnet er

ferdigstilt, og det same gjeld «vaskehuset» i Klesvika. Bygging av toalett ved Nesvatnet vart starta, men ikkje ferdigstilt ved utgangen av året. På Straume er det gjort arbeid med tilrettelegging av stiar. Informasjonsfilm og skilting av området og lokalitetane for steinalderfunn er på plass.

For å tilrettelegge for ein heilskapleg plan for oppgradering i prosjekt 6102001 **Prestegardshagen**, vart det gjennomført ein mogelegheitsanalyse for rådhuset og Prestegarden med uteområde utført av Og Arkitekter. Med unntak av reparasjon av steingarden, har ikkje det fysiske arbeidet med opparbeiding av Prestegardshagen starta. Mogelegheitsstudien er finansiert med tilskotsmidlar frå Hordaland fylkeskommune og restkostnad er dekkja over driftsbudsjettet. Prosjektet har derfor ein bokført kostnad i investeringsbudsjettet på kr. 0.

Prosjekt 6103002 **Helsehuset ombygging** har rekneskapsførte kostnader på kr 1 560 769 og ein total budsjetttramme på kr. 1 500 000. Det er etablert nytt ventilasjonsaggregat på Helse-

huset for å betre ventilasjonstilhøva i bygget.

Når det gjeld prosjekt 6109020 **Solhall kjøp og oppgradering** gjorde kommunestyret i september 2017 vedtak om å kjøpe Solhall frå Helse Bergen. Av ulike årsaker utsette Helse Bergen salet til 2018, og budsjettet vart justert til kr 1 000 000. Prosjektet har ein bokført kostnad på kr 1 006 148, i hovudsak knytt til arkitekttenester for prosjektering og førebuing av nye Solhall barnehage.

Kjøp av kommunale bustader er sett på vent, og skal sjåast i samanheng med bustadsosial handlingsplan.

Investeringsbudsjett for VA-området vart vedteke av kommunestyret med samla ramme for vatn og for avløp. I gjennomgangen vidare, vert kvart delprosjekt presentert, med delsum av budsjett.

Prosjekt 6210007 **Vassbasseng Haukåsen** har vore lyst ut på Dofin, og lågaste tilbod er høgare enn budsjetttramma på 3 100 000. Ettersom grunnavståing ikkje er avklart er ikkje prosjektet starta opp. Bokført kostnad i 2017 er på kr. 183 331 til konsulenttenester.

Prosjekt 6210008 **Manger – Øvre Manger utskifting** gjeld utskifting av vassleidning. Prosjektet vart forseinka i 2016, og mesteparten av kostnaden vart derfor ført på 2017 rekneskapen med ein kostnad på kr. 2 337 125.

Prosjekt 6210009 **Vassverk oppgradering og utbetring** har bokført kostnad på kr. 535 551. Teknisk drift har arbeida systematisk med å kartleggja kummer mm. som bør oppgraderast/skiftast. Det er kjøpt inn vassmålarar som tiltak i arbeidet med å redusere vasslekkasjar på leidningsnettet.

Prosjekt 6210010 **Vassleidning Øvre Kvalheim mot Kvalheimsneset** gjeld utskifting av vassleidning. Prosjektet hadde eit delbudsjett på kr. 1.900.000, og ein bokført kostnad på kr. 1 205 347. Rekneskapen viser avvik i forhold til budsjett, men dette skuldast at arbeidet av ulike årsaker tok lengre tid en føresett, og ein del av arbeidet vart fullført først på nyåret.

Prosjekt 6210011 **Vassleidning Litlevatnet – Sæbøvågen** gjeld utskifting av vassleidning. Prosjektet har eit delbudsjett på kr. 3.800.000, men vart gjennomført til ein lågare kostnad enn forventa. Det vil verte ført mindre kostnader på dette prosjektet i 2018,

då oppryddinga etter arbeida først kan utførast til våren.

Når det gjeld prosjekt 6210014 **Vassleidning Lilletveit** vart det ikkje løyvd midlar til dette i opprinneleg budsjett, men prosjektet skulle finansierast gjennom budsjetttramma for vassprosjekt. Prosjektet har vore på anbod, men har av ulike årsaker verte forseinka og gjennomføring skjer først i 2018. Bokførte kostnader er i hovudsak brukt til prosjektering.

Prosjekt 6310005 **Hovudreinseanlegg Manger** har ein bokført kostnad på kr. 235 844. Desse er brukt på utarbeiding av ny reguleringsplan. Arbeidet vil ikkje starte før reguleringsplan er ferdigstilt og godkjent, og byggearbeid vart såleis ikkje starta i 2017. Dette påverkar gjennomføring av andre avløpsprosjekt på Manger: sanering Mangersvågen, nye leidningsnett Mangersvågen og ny pumpestasjon.

Arbeidet med å skifte ut verneutstyr for **brannvernet** held fram i 2017.

Når det gjeld prosjekt 6700003 **Asfaltering kommunale vegar** vart arbeida ferdigstilt i høve til prioriteringsliste, og det aller meste vart utført innanfor budsjetttramma, inkludert kr 500 000 som kommunen fekk frå BKK på bakgrunn av skade på Listveitvegen.

Prosjekt 6764001 **Trafikksikring**: Det vart henta inn tilbod på lys til Trævegen, men tilbod var høgare enn budsjetttramma på kr 200 000.



Nyasfaltet veg 2017

Kommunestyret sitt vedtak	Status
Investering	
Kommunestyret ønskjer snarast råd avklaring på byggestart ny barnehage på Bø, der det er sjekka ut moglegheiter og kostnader for ulike konsept innan det offentlege området mellom skulen og barnehagen	Plassering av barnehagen vart avklara og arbeidet med reguleringsplan for området starta opp i 2017
Prestegardshagen skal opprustast til park, og rådmannen vert beden om å etablere kontakt med aktuelle lag i Manger (bygdslag mfl) for samarbeid om dette(dugnad,planting, stell mm)	Det er gjennomført ein mulegheitsstudie for Prestegarden og Prestegardshagen som danner grunnlag for budsjettering og tiltak for gjennomføring i 2018. Bygdelaget var invitert med i mulighetsstudien.
Kommunestyret bed rådmannen utgreia betre kioskløysingar i Radøyhallen, også til bruk for mindre arrangement. Utgreiinga må ta omsyn både til behova hjå Ungdomsklubben og andre brukarar i Radøyhallen. Kommunestyret ber rådmannen aktivt jakta etter nye/pent brukte stolar til tribunen i Radøyhallen.	Rådmannen kjem attende til denne bestillinga i 2018.
Rådmannen skal vera ein aktiv medspelar for å realisera dugnadsanlegg for kommunalt vatn der det kjem ønske om dette. Rådmannen legg fram politisk sak om nødvendig.	Det vart arbeidd med etablering av vassleidning på Listveiten.
Kommunestyret ønskjer vurdert skiljeveggar i dusjen også i symjegarderobane.	Det vart etablert skiljeveggar i dusjane, og dusjromma vart oppgradert i 2017.
Kommunestyret ønskjer at nye bilar har miljøvenleg teknologi (el/hybrid) i kombinasjon med at dei er tenlege for drifta av tenestene.	Rådmannen har følgd opp punktet gjennom å søke om tilskot og etablere ladepunkt,og ein av bilane som var kjøpt inn var el-bil i 2017.
Ambisjonane for nærmiljøtiltaka for Bø står ved lag, men kommunestyret meiner det realistisk sett er rett å flytta desse til 2018 i samband med ferdigstilling av kommunedelplanen og ny barnehage	
Kommunestyret aukar asfalteringsbudsjettet for 2017, og vektlegg særleg bustadfelte.	Asfaltering i tråd med prioriteringsliste vart gjennomført i 2017.
Kommunestyret ber rådmannen og Radøy sokn samarbeida om å få realisert energivennleg flombelysing av Nordhordlandskatedralen i vinterhalvåret.	Kostnad til lyssetting av kyrkja vart lagt inn i budsjettet for 2018.
Formannskapet får snarleg førelagt ei sak om behovet for utstyr ved teknisk drift. I denne saka må det liggja føre ei god kost-nytte-vurdering. Kostnadane med innkjøp av utstyr inntil 1 mill. kr vert dekkja over posten «Mindre investeringar».	Kjøp av utstyr til Teknisk drift vart gjennomført og dekkja av posten «Mindre investeringar», sjå også tabellen nedanfor

Leikeplassutstyr Prestmarka	436 106
Ladepunkt EL-bil	151 292
Gravemaskin	614 250
Lift	255 771
Samla mindre investeringar	1 457 419



Elevarbeid frå skuleåret 2016/17, Radøy musikk- og kulturskule, tema «Nordiske tonar»